

LAVS PIAE MUSICAE SCRIPTA  
à M. Martino Henrico Saga-  
nenfi.



Musica grata DEO est, diuinum est Musica donum,  
Quæ celebrat laudes & benefacta Dei.  
Sic Domini cecinit Vates Iessæus honores,  
Dum Cytharæ nervos ad sacra uerba mouet.  
Dum sua damna leuat, dum supplice uoce precatur,  
Atq; Deo placidam querit egenus opem.  
Dum docet, accusat, terret, mouet, incitat, optat,  
Et sacra prædicens dona futura canit.  
Præterea tristi depellens pectore curas,  
Musica, letitiæ gaudia blanda ciet.  
Prædicat Herôas, uirtutum exemplaq; morum  
Exhibet, & penetrans intima cordis adit.  
Mulsisse immanes Delphinas Ariona cantu,  
Orphëq; in muros saxa coisse, ferunt.  
Ergo cui non est cordi pia Musica, saxis  
Durior est, superans asperitate seras.

FINIS.

215